

dunt annales quorundam manu scripti, vbi itidem fidem atque prudentiã suam abunde testatam fecit. Eius autẽ fratrum alter nempe *Christophorus* patruus vester olim Academiae Vitebergensis Rectoratum gessit magno illo Melanchthone prorectore: alter *Fridericus Friderici* II, Daniæ Regis Marschallus, officij genere non postremus celebratur, cuius infelicem in mari casum etiã num boni omnes lugemus. Vt & fratrem ipsius *Henricum*, qui per aliquot annos in aula *Sigismundi* Augusti Poloniæ Regis laudabiliter versatus, & post equitum Germanorum supremus legatus designatus, feudum in Liuania suis meritis ab eodẽ Rege obtinuit; tandemq; præclarã per vulnera mortẽ ad Pernauia oppetiuit. Nec indignos vos tantis maioribus factis ipso hodieque probatum itis: vt pote Tu Illustris Domine *Friderice*, qui supremum Prussiae orientalis